

佛山忠義鄉志卷八

名宦 流寓附

德政碑萬民衣傘脫靴等事乾隆四十九年

例有明禁夫干譽者必違道獻諛者必徇私世俗往往如此若其人已往蓋棺論定所居民富所去民思責實以名

國史未嘗廢循吏也顧召父杜母代不數人且鄉統於縣治績每難表見無學校則文蜀郡之子弟無可補無訟獄則雋京兆之平反無所施但使故老傳聞弭奸盜者公來何暮安作息者民不可諉卽可卜由鄉暨邑由邑暨郡而無愧

佛山忠義鄉志

卷八 名宦志

一

國家之良二千石矣前志陳太史云譜舊德以耀新編遲之久而愈多益有光於鄉志也志名宦而以流寓附焉

佛山同知

國朝

王聯晉四川籍江南人由廕生歷大同守左遷佛山同知時新設同知鄉慮紛擾聯晉至以簡靜爲治嚴關防絕請謁量留書役數人餘悉遣歸農曰吾欲與民相安於無事若輩且去教民繕道塗修柵閘盜賊屏息奸蠹不容甫三載卒於官民思之

不衰 陳志

黃興禮號敬堂江南休寧人由貢生乾隆四年任  
佛山同知潔已愛民百廢具修尤以興文教爲已  
任捐俸倡建義學設講堂築學舍延師教育課日  
必親至與諸士講習鄉內文風丕振及去士民攀

留山長林本仁爲記去思焉

碑在靈應祠前廊

楊楷字士標號桂林雲南建水縣人由監生歷任  
山東知縣同知乾隆六十年署佛山同知時隣堡  
大江石灣何德廣馮善宏各猾匪謀劫佛山而鎮  
內兵差鄉夫多通匪黨楷廉得其情請於總督覺  
羅長撥兵數十親率兵差往捕盡獲寘于法鄉  
及隣堡以安在任廉於自奉勤於聽訟夜微行五

佛山忠義鄉志

卷八 名宦

二

鼓始休以靈應祠旁祀北帝先人非體捐俸  
倡建後樓專祀焉工竣鄉內祝神釐者皆懸官清  
民樂燈籠以頌其德復以柵下義學將圯且地氣  
卑濕遷於署左改爲佛山書院規模有加焉尋陞  
惠州府知府擒賊有功歷署雷韶廉高肇五府皆  
有惠政嘉慶己巳洋匪焚劫瀾石將逼佛山紳士  
赴省求援適楷在省總督百委楷率兵礮以往  
匪聞風遁去旋以老病乞休後卒于福建第四子  
官署歸櫬過佛山鄉人思其遺愛咸賻焉楷勇於  
緝捕嘗從征粵西苗先渡紅水江開路大軍得以  
繼進事定叙功

賞戴花翎又嘗出洋捕盜遇巨風舟覆沒巨浪中恍有神擁護出水遇救以免楷微時遇粵東人鄭德讓助貲援例得官及官粵時厚報之

五斗口司巡檢

國朝

毛對廷江西金谿人初爲惠郡巡檢有廉聲由卓異調五斗口司巡檢益勵清操不因官卑少貶介節以佛山五方雜處獨勤譏察漏下三鼓猶徒步衢巷中聽訟明決導民以仁厚民稱爲毛青天以老病休去合境如失慈母

陳志

鄭籽由附監生任五斗口司巡檢以平湖舊署荒

佛山忠義鄉志

卷八

名宦志

三

廢儻佛山仁壽寺以居廉潔自矢愛民如子民亦不忍欺之因呼之爲鄭亞婆云卒於任

佛山千總

國朝

汪後來字白岸父由江南隸籍番禺後來生而英敏丰神俊爽博學工詩先輩梁藥亭極加賞異謂當以詩名世繪事亦超絕以文生應武闈遂與鷹揚宴康熙五十二年任佛山千總營務以整以暇卒伍肅然時與鄉人士詩酒唱和灑脫不類韜鈴人法中丞愛其儒雅引爲上客旋擬題薦以去任不果後來亦不戀戎帳怡然解組去晚年僑居佛

山敲詩作畫外揮塵清談絕不及時事俗客無有  
闖其座者卒年七十九所著有杜詩矩鹿岡集行

世 陳志

陳志以爲邑志有流寓 類附名宦後又云非

鄉所得專缺之爲當乃人物內採入程可則麥

在田二人本屬流寓似自紊其例今以流寓程

麥二傳增入梁馮黎三人附名宦後從邑志例

也

流寓 附

國朝

程可則字周量伯淳程子十八世孫其先世由河

佛山忠義鄉志

卷八 名宦志

四

南遷南海卜居鼎安大同里可則之父曰僊治毛

詩教授生徒常語人曰學究先生受人子弟責亦

非輕安可不砥礪文行使成佳士旣困於諸生思

訓子以成其志可則五歲讀書過目不忘十歲能

文有神童之稱弱冠下筆如雲湧泉流千言立就

順治辛卯以詩經薦與陳彩同出樵李王庭之門

壬辰會試舉禮部第一旋以首藝微失註旨磨勘

不得與

殿試而程會元文名已噪海內矣庚子春應

閣試授內閣撰文中書尋改內秘書院撰文辛丑賈

詔頒賜山東尋丁外艱服闋補原官己酉晉戶部主事八

月分校北闈得士十五人三捷庚戌一選庶常時  
稱得人晉本部員外郎督理左翼倉務出入會計  
公愼稱職辛亥陞兵部職方司郎中奉  
旨副往山西勘問總兵趙良棟白其冤復命

召見備陳情狀言辭暢達

天顏喜霽既而語大司馬曰不差人往審趙良棟冤死矣  
癸丑出知桂林府會撤藩部歸京師甫下車羽檄  
交馳百務駢集可則心計手畫咄嗟立辦人服其  
才尋卒於官聞者惜之可則既負絕人之資尤酣  
經史手不釋卷其爲詩取材於選取法於唐與穎  
川劉體仁長洲汪琬新城王士正並以大家稱嘗

佛山忠義鄉志

卷八

名宦志

五

寄寓佛山所著有海曰樓詩文集遙集樓詩草萍

花草

節增  
陳志

麥在田字宗道生而端重篤志力學讀書以精熟  
爲務淹貫經史領康熙庚子經魁律已嚴潔儀容  
整肅開講席於佛山心性書院生徒雲集近而廣  
州各邑遠而肇廉各郡暨粵西隣界諸處皆裹糧  
負笈以從在田盡心訓迪前後多知名士時新會  
胡方以學行自高於人少許可獨愛重在田以女  
妻之在田厚於人倫脩脯所入贍貧弟建祖祠撫  
教猶子兼予田宅所著有四書輯釋易經要義春

秋詳訓古文端易園詩文集

節增  
陳志

梁翰字遇屏又字少周號戢菴生而岐嶷隨其父  
玉書就傅佛山稍長與陳雲麓太史何遠君司訓  
結社論文每試輒前列年三十一補博士弟子員  
乾隆辛酉中副榜甲子舉於鄉乙丑中明通榜爲  
龍川教諭戊辰成進士加教授銜復教諭任八年  
俸滿保薦以知縣用丙子選福建羅源縣知縣羅  
源故小邑翰勤案牘絕苞苴舊令黃公旅櫬停厝  
六十餘年翰捐俸葬之復撥閒款以供祀事又捐  
廉倡紳士建羅川書院延名師設膏火邑不登賢  
書者五六十乃至是屢獲鄉榜羅田苦旱翰教以  
吾粵水車之法民甚便之至有梁公車之目他如

修縣城行社倉禁火葬之忍治溺女之罪治羅八  
年邑人愛之如父母甲申署邵武同知未幾以病  
移歸其設教佛山時進士倫顯聖孝廉陳應魁拔  
貢劉良濬皆出其門著有寸知堂制藝循陽前後  
二草旅燕宦閩二草教養紀實等書年六十四卒  
於家

馮公亮字豹文號石門南海人由佛山徙居省城  
公亮幼而慧讀書過目成誦弱冠補博士弟子員  
食廩餼應棘闈未售雍正初援例入貲得通判初  
判常州改判漢中府營辦軍需往返潼關者六大  
吏以廉幹薦擢順天尊化州牧以親老乞改近就

養授福建理事同知宦閩數年以母喪去官服闋  
補貴州正安州牧旋引疾歸性耽吟咏歷任吳秦  
閩黔山川名勝悉形於篇什著有吳遊紀畧燕程  
紀畧其石門全集未及梓而卒

黎簡字簡民又字未裁順德人世稱二樵先生者  
也生粵西十歲能詩歸里益肆力於古乾隆己酉  
拔貢生簡詩峻拔清峭刻意新穎言人所不能言  
性好山水屢入朱明洞天窮其幽勝足跡不踰嶺  
嘗寓居佛山秋官坊海內詞人想望風采名流來  
粵者咸折節下交簡才思敏妙爲詩援筆立就兼  
工書畫書得漢晉人意畫直造元四家堂奧著五

佛山忠義鄉志

卷八

名宦志

七

百四峯草堂詩文鈔藥烟閣詞鈔芙蓉亭樂府注

莊韻學

省志

佛山忠義鄉志卷八終